

T.936.2
1795

PATRI SUO OPTIMO

INDULGENTISSIMOQUE,

REVERENDO JACOBO NEW, A.M.

DE BRISTOLIA:

HANC DISPUTATIONEM,

GRATI ANIMI MONUMENTUM,

SUMMA CUM OBSERVANTIA

CONSECRAT

JOANNES NEW.

322291



DISPUTATIO MEDICA

INAUGURALIS.

Quænam pars aëris communis corporis
cavorum inflammationem concitat,
et quomodo?

PARS I.

PRÆFANDA QUÆDAM.

§ I. **A**ËRA communem, in cava vivi
corporis intromissum, non solum
ipfius cavi parietibus, sed etiam contentis inibi
partibus infigne femper detrimentum, grave
haud rarò periculum, afferre, afferuerunt
A nonnulli

nonnulli medici, cùm antiqui tum recentes.

II. In compluribus enim scriptorum suorum partibus, HIPPOCRATES præmonet, ne aëri circumfluo cava aut nuda ossa objiciamus; et, ubi, quomodo curanda sint abdominis vulnera, tractat, ait, si omentum excidat necesse esse putrescere. Quinetiam CELSUS, abdominis vulnera persequens, his utitur verbis: “ Si vero adhuc ea sui coloris sunt, cum
“ magna festinatione succurrendum est: mo-
“ mento enim alienantur externo et infueto
“ spiritu circumdata.”

III. BOERHAAVIUS, porrò, haud rarò animadvertit, quemadmodum aër in cava immissus committat, ut hæc emortua fiant, et quanto ideo opere præcavere chirurgi debeant, ne illi introitus pateat. Nec non SWIETENIUS, qui ea, quotquot compendiariò et compressè scripsit BOERHAAVIUS, copiosè
imò

imò effusè exposuit, cavis, in quæ intromittitur aër, gangrænam subitò accidere, memorat. Nam, “ paracentesis ipsa,” ut ait, “ quamvis ex sua natura satis tutum sit re-
“ medium, aëris externi liberiore admissione,
“ inceptam augebit putredinem.”

IV. DOMINUS BELL, qui, paucis abhinc annis, chirurgiam productissimè persecutus est, in eo libri capite, quo tractat vulnera abdominis, perhibet, detrimentum, quod ex immisso aëre hæc capiunt, duplici causa effici; aëre nimirum interno abdomini admoto, unde viscera inflammationem concipiunt; et novo liquore effuso, qui, nullâ datâ portâ qua effluat, intra membranam, quæ internum circumcingit abdomen, stagnat.

V. Cùm ita (IV.) fit, vulnerato alicubi abdomine, primùm quàm opportunissimè liganda sunt continentia sanguinem vasa, quotquot integumentorum et muscutorum percisa fuerint,

rint, deinde, nullâ morâ, quam potest maxime præcavendum, ne qua relictâ portâ aër ab externo intûs irruat. His enim factis, vulnera, dummodo exigua sint, plerumque sponte in unitatem coalescunt, et, pòst paulò, cicatricula confirmatur.

VI. Quod si per aliquod tempus non solidescant vulnera abdominis, curanda interim sunt quàm rarissimè; et, etiam cùm chirurgus ea curare sese accinxerit, maturè factò mehercule opus est, ut aëri extrinsecùs irruendi quàm possit minima occasio offeratur. Quò enim exigua puris quantitas efflueret, ne utique idoneum esset, morâ interpositâ, aëri irruendi copiam præbere.

VII. Eò magis opus est ad hæc (v. vi.) animum advertere, quòd, immisso aëre, interdum, ut eidem (iv.) auctori bis oblata est videndi occasio, vulnera abdominis, quæ, datâ nondum aëri portâ, nihil periculi afferre videbantur,

bantur, ex continenti et improvise, gangrænam suscipiunt, et ægrum de medio tollunt.

VIII. In parte dolente utriusque (VII.) ægri, cui mortem attulit intromissus aër, inesse magnam puris vim, satis superque constabat. Hanc chirurgus constitutum est ferro emittere; cùm præsertim, esse extra abdominis cavum, vel in sacco quodam sibi proprio, vel in ipsa musculorum substantia, ei videretur. Propositum perfecit, foramine facto, quo contentum pus efflueret. Verùm biduo magna vis inflammationis supervenit; et, haud multò post, uterque æger fato concessit. Lethalem inflammationem intromisso aëre moveri illi persuasum est; idcirco quòd, cadavere utriusque patefacto, pus in abdomine conspiciebatur.

IX. Ex auctoribus suprà (II.—IV.) memoratis, nonnulli opinantur, aëra immixtum tantummodo, quatenus frigidus sit, inflammationem concitandi facultate pollere. Alii,

re ipsâ simpliciter memoratâ, parvi, quo modo efficiatur, facere videntur.

X. Etiamfi non opis sit nostræ enodatè exponere, quo modo cavorum inflammationem moveat immissus aër; tamen aliquo olim numero, forsitán, erimus, si, experimentis capitis, qua aëris parte moveatur inflammatio, exploratè patefaciamus.

XI. In hac disputatione, pauca experimenta enarrare, quæ, adstantibus, et, quoties opus esset, consilio et manibus amicissimè adjuvantibus THOMA TURNERO et JOANNE WILLSIO, LONDINI, ipso hoc (x.) consilio cepimus, nobis propositum est.

P A R S II.

QUA MACHINA ET QUIBUS MINISTRIS
PERICULA CAPTA SUNT.

XII. Machina, qua in cava diversos aëres immisimus, constabat ex utriculo e gummi resiliante, (*caoutchouc* dicto), in quem imposita est papilla eburnea, quæ crassitudine calami anserini æquabat.

XIII. Hujus (xii.) ope multigeni aëres in cava corporis immissi sunt. Hos *chymici*, a quibus in ROMANAM linguam nuperrimè infusa est incognita antè peregrinitas, ipsorum lingua, *gas azoticum*, *gas oxygenium*, *gas acidum carbonicum*, *gas hydrogenium*, *gas atmosphaericum*, nominant. Unde hæc a nobis parata sint, prius dicendum est, quàm ad alia pergamus.

XIV.

XIV. *Gas azoticum* ab aëre circumfluo paravimus, *gase oxygenio* mistis sulphure et ferri ramentis ministris hinc separato. Hoc facto, quod aëris circumflui supererat, id aquâ calcis usque eò purificatum est, ut, vel aëre nitroso addito, quantitate neutiquam minueretur: ex quo fatis apparebat, nihil in eo *gasis oxygenii* etiamnum residere.

XV. *Gas oxygenium* paratum est ex nitro purificato, quod ministro igne, in vase vitreo, cui erat retortum collum, distillavimus. Aër, hoc opere paratus, a *gase azotico* non, ex toto, purus erat, sed fatis purgatus ad nostra experimenta: quippe enim quæ pauxillum, hujus *gasis*, quod illi commixtum remanebat, fallacia reddere nequiret.

XVI. *Gas acidum carbonicum* paravimus ex *carbonata calce*, et *acido sulphurico* diluto.

XVII.

XVII. Quò *gas hydrògenium* pararemus,
ferrum in *acido sulphùrico* diluto solvimus,
et *gas* hinc paratum, aquæ calcis ope purum
fecimus.

XVIII. Aëre communi, nihil mutato, in
frequentibus experimentis usi sumus.

P A R S III.

EXPERIMENTA.

CAP. I.

Experimenta ministro aëre communi captâ.

XIX. *Experimentum primum.* — Cuniculo adulto ligato, et villis ex parte perforanda abrafis, unum ferè digitum infra umbilicum, abdominis parietem ferro perforavimus, sic ut

B foramen

foramen papillam (xii.) eburneam aptè intrmitteret.

XX. His (xix.) factis, ope intromissi siphonis, octo uncias aëris communis immisimus; et dein, extracto siphone, vulnus leniter confuimus, ne immissus aër exfiliret, et quò vulnus ipsum solidesceret.

XXI. Dum hæc (xix. xx.) fiebant, animal pauxillum tantum sanguinis amisit, neque ullum ferè dolorem concipere visum est; nam, opere finito, et vinculis solutis, cibum, velut ei accidisset nihil mali, cupienter petivit.

XXII. Tandem autem, quarto post mane, animal se malè habere visum est. Non enim cibum eâdem quantitate, ut mos erat, appetivit; graviter doluit; humi sese sæpe volutavit; et gravem dolorem cepit ex corpore ejus, præcipuè autem abdomine, contrectato. Se
pejùs

pejùs pejùsque habere visum est, usque ad septimum diem; quo occisum est, ut, quos effectus præstitisset immissus (xx.) aër, compereiremur.

XXIII. *Incisum cadaver.*—Occiso (xxii.) cuniculo, et abdomine patefacto, interna *peritonæi* facies, et ea etiam intestinorum, manifesta inflammationis signa ediderunt. Intestina, hìc illic, sibi invicem, aut contiguo *peritonæo*, adhærebant, et parva quantitas effusi liquoris, fero similis, conspiciebatur in abdomine.

XXIV. In quinque alios adultos cuniculos, necnon in felem et caniculam, machinâ (xii.) aliisque (xix. — xxi.) iisdem, aëra communem immisimus. Eodem (xxii.) tempore, signa his jam (xxii.) memoratis adeo affimilia apparuerunt, ut singula recensere neutiquam opus sit.

XXV. *Extispicium*.—Septimo pòst die, animalia interempta sunt ; et, in omnibus, eadem nobis in conspectum venerunt, ac in primo cuniculo, nisi quòd in canicula intestina leviozem aliquanto inflammationem cepisse videbantur.

XXVI. *Experimentum secundum*.—Iisdem (xix.) factis, in cavum abdominis duorum cuniculorum sexdecim uncias aëris communis eâdem (xii.) machinâ injecimus. Ex opere hæ animantes, sicut jam dictæ, nullum ferè dolorem capere videbantur. Sub finem autem diei secundi, utræque cœperunt se malè habere ; et, tertio meridiano, una mortua est. Altera superstes, dolore et molestia increfcentibus, vitam ad quartum usque diem produxit, et mane ejusdem animam efflavit.

XXVII. *Señtum cadaver*. — Abdomine utriusque (xxvi.) cuniculi patefacto, constitit, in utroque inflammationem, usque ad gangrænam,

grænam, processisse. In utriusque enim intestinis et *peritonæo*, hîc illic, erant maculæ lividæ. In cavo quoque continebatur nonnihil liquoris, puri quàm finillimi; adeò vero corrupta erant viscera, ut hicne liquor verum esset pus, necne, certè comperiri non possemus.

XXVIII. *Experimentum tertium.*—Cæteris iisdem omnibus, in abdomina duorum cuniculorum triginta duas ejusdem aëris uncias immisimus. Usque ad vesperam secundi post diei, neuter cuniculorum ulla ægritudinis signa exhibuit; sed, postero mane, mortui jam ambo inventi sunt.

XXIX. *Patefactum abdomen.*—Apertis amborum abdominibus, nobis insipientibus sese obtulerunt omnia eadem, quæ in cuniculis modò (xxvii.) dictis; excepto pure, quod hîc deerat.

XXX. Aëra, qui in cuniculorum (xix. et xxiv. et xxvi. et xxviii.) abdominibus post mortem continebatur, *chymica* arte non tentavimus.

CAP. II.

Pericula ministro gase oxygenio facta.

XXXI. *Periculum quartum.*—Cæteris omnibus iisdem manentibus, in abdomen cuniculi immiffæ sunt octo uncix *gasis oxygenii*. Hoc facto, animali permissum est vivere, usque ad septimum post diem. His completis, interemptum est; sed, ante vim illi illatam, adeo jam debile erat, ut, paucis horis, sponte occubisset. Hic cuniculus, sub finem tertii diei, ægrefcere cœpit; et hinc increfcere videbatur ægritudo, donec nostræ manus ei mortem attulerint.

XXXII.

XXXII. *Señtum cadaver.*—Abdomine aperto, multo major vis inflammationis, quàm in cuniculis primùm (xx. et xxv.) patefactis apparuit, et latiùs quoque patens in omnem partem. In multis intestinorum locis, ramuli vaforum sanguinem continentium conspiciuerant et distenti, haud secùs ac, post liquorem quemlibet coloratum in ea artificiosè ad expectationem immissum, esse solent. Quinetiam, nigræ aut lividæ maculæ, quibus, hìc illic, aspersa conspiciebantur intestina et *peritonæum*, ostenderunt, gangrænam vel jam supervenisse, vel imminentem præstò adstitisse. Liquor, porrò, in cavo inerat, quem reipsa pus fuisse, dubitare non poteramus.

XXXIII. Idem (xxxì.) periculum, eodem modo ac eadem aëris quantitate, iterùm fecimus in alium cuniculum. Hic non, ante quartum pòst diem ægrescebat. Septimo necatus est. Abdomine inciso, eadem (xxxii.) omnia in
conspectum

conspectum venerunt. Pus hìc quoque fatìs manifestum erat.

XXXIV. Aër, qui in cavis abdominis horum (xxxì. et xxxiii.) cuniculorum, post mortem continebatur, cujus tres tantummodo uncias potuimus colligere, examini subjectus, magnam, pro rata, quantitatem *gasìs acidi carbonici* manifestavit.

XXXV. Pus, quod in cuniculis, de quibus quartum (xxxì.) experimentum semel iterumque cepimus, nostris oculis sese obtulit, eodem, ut nobis videtur, modo, quo in hujusmodi membranìs inflammatis solet, effectum est.

XXXVI. *Periculum quintum.* — Hoc pati uni feli et duobus cuniculis contigit. Iisdem, ut suprà (xìx.) factis, in abdomen singulorum sexdecim unciaë *gasìs oxygenii* injectæ sunt. Die primo ad vesperam inclinante, ambo cuniculi

nuculi nonnihil ægrefcere videbantur. Felis nondum se malè habere apparebat: sed, poſtero die, primulo mane, adeo dolore angi videbatur, ut propiùs accedere periculofum effet. Circa meridiem, rabioſa mortua eſt; neque longo pòſt tempore, inter horam ſeptimam et decimam pomeridianas, ambo cuniculi periculi et doloris conſortes, mortis itidem, non autem furoris, participes evaſerunt.

XXXVII. *Cadaverum inſpectio*.—Abdomine ſingulorum (xxxvi.) cadaverum inſpecto, inteſtina et *peritonæum* omnium fuiſſe, ante efflatam etiam animam, ex toto emortua videbantur. Ex omnibus halitus putridus peſſimè olens evolavit: verùm in nullo aliquid puris viſum eſt.

XXXVIII. Ex tribus (xxxvii.) abdominibus viginti omnino et dimidia aëris uncia potuerunt colligi, quarum ferme ſex vel ſep-

tem aqua calcis absorbuit, atque ipsa ideo luci impervia evasit.

XXXIX. *Periculum sextum.*—In abdomen utriusque duorum cuniculorum, cæteris iisdem, viginti quatuor unciae ejusdem (xxxix.) *gas* immissæ sunt. Hoc facto, unus, octavâ ferè post horâ, extremum spiritum edidit, alter undecimâ propè et dimidiâ, utrique gravissimis, uti videbatur, doloribus discruciat.

XL. *Cadaverum incisio.*—Patefacto amborum abdomine; eadem (xxxvii.) omnia oculis et naribus haufimus.

XLI. Viginti sex aëris unciae ex utrisque cuniculis omnino collectæ sunt. Harum quatuor et dimidia absorptæ aquam calcis luci imperviam fecit.

C A P. III.

Experimenta ministro gase azotico capta.

XLII. *Experimentum septimum.*—In abdomen utriusque duorum cuniculorum, machinâ eâdem, immissæ sunt octo unciaë *gasis azotici*. Finito opere, neuter duorum aliquid molestiæ aut doloris capere videbatur, usque ad septimum diem quo utrique occisi sunt.

XLIII. *Aperta cadavera.*—Abdomine utriusque ferro aperto, omnia apparebant longè diversa ab iis, quæ in cadaveribus hætenus apertis in conspectum venerunt. Nulla emiffitiis quidem oculis se ostenderunt signa inflammationis, ea præterquam quæ vulnus concitaverat, et quæ tertiam digiti partem, ab hujus oris, quoquoeversum patebant.

XLIV.

XLIV. Aër, qui abdominibus refidebat, collectus, et cum aqua calcis commixtus, hanc perpaululùm tantùm nubilam reddidit, unde, vix aliquid in se *acidi carbonici* habere, apparuit. Multùm verò quantitate minuebatur: nam ex abdominibus amborum animalium decem omnino unciaë colligi potuerunt.

XLV. *Experimentum octavum.* — 1. In abdomen primi ex tribus cuniculis, machinâ et modo suprâ dictis, immiffæ sunt sexdecim unciaë *gasis azotici*; in id secundi, viginti quatuor unciaë ejusdem; atque in id tertii, triginta duæ ejusdem quoque. Ex aëre sic immisso cuniculi nihil molestiæ capere videbantur, nisi quòd adeo ventriosi erant, ut multo, quàm antea, magis essent ignavi.

2. Septimo pòst die, novo vulnere, quippe enim in omnibus primum jam coaluerat, in-
super

super immiffæ funt in abdomen primi (XLV. 1.) cuniculi octo unciaë aëris communis; in id autem fecundi (XLV. 1.), quatuor unciaë *gas* oxygenii; demumque, in id tertii (XLV. 1.), *gas* ejusdem unciaë duæ: atque, hoc factò, et vulneribus arctè commiffis, omnibus permiffum eft, ut fatum futurum opperirentur.

3. Triginta tribus propè horis, poft iteratam (XLV. 2.) aëris immiffionem, cuniculus (XLV. 2.) fecundus, gravem dolorem perpeffus, mortuus eft: tertius (XLV. 2.), haud multo minùs quinquaginta horis, animam efflavit: primus (XLV. 2.), fociis periculi et doloris amiffis, vitam, centum et octo horas, ufque ad finem quinti diei, protraxit.

XLVI. *Cadavera incifa.*—Abdomine fingulorum (XLV. 1.) cuniculorum incifo, in omnibus eadem confpicati fumus, ac in iis animalium,

lium, de quibus periculum (xxxvii.) quintum et (xl.) sextum fecimus.

XLVII. In abdomine singulorum, aër collectus, ratione habitâ ad eum quem immisimus, quantitate parvus admodum erat, et insuper haud exiguam quantitatem *acidi carbonici* secum commixtam continebat.

C A P. IV.

Pericula ministro gase hydrogenio facta.

XLVIII. *Periculum nonum.*—In abdomen utriusque duorum cuniculorum immissæ sunt octo unciaë *gasis hydrogenii*. Neuter duorum hinc aliquid mali capere visus est, et septimo post die utrique necati sunt.

XLIX.

XLIX. *Cadavera patefacta.* — Abdomine utriusque patefacto, eadem nostris oculis se obtulerunt, quæ in abdominibus animalium, de quibus septimum fecimus experimentum, conspicati sumus.

L. Qui aër in abdominibus residebat, is, genere, cum immisso, conveniebat ; sed multo minor erat quantitate, nam ex utrisque septem omnino unciae et dimidia potuerunt colligi.

LI. *Experimentum decimum.* — 1. In abdomen primi duorum cuniculorum immissæ sunt viginti quatuor unciae ejusdem aëris ; in id secundi, triginta duæ. Post hebdomadam elapsedam, neuter se malè habere videbatur.

2. A. Deinde in abdomen primi (LI. 1.) cuniculi insuper injectæ sunt quatuor unciae

gasis

gasis oxygenii ; et, viginti sex propè horis, mors subsecuta est.

B. *Apertum abdomen*.—Abdomine mortui (LI. 2. A.) cuniculi aperto, eadem conspicua erant, ac in abdominibus eorum, quibus mortem attulerunt periculum (xxxvi.) quintum, et (xxxix.) sextum, et (xliii.) octavum.

C. In cavo abdominis supererant duodecim ferè unciaë, quæ, aliqua ex parte, ex acido carbonico constabant.

3. Cuniculo (LI. I.) secundo, in cujus abdomen immiffæ erant triginta duæ unciaë *gasis hydrogenii*, permissum est vivere. Post tres ab immiffione hebdomadas, aër immiffus jam, ex toto, paulatim esse absorptus videbatur, atque animal, quod hoc periculo evaserat superstes, in aliud conservavimus.

C A P. V.

*Experimenta, ministro gase acido carbonico,
capta.*

LII. *Experimentum undecimum.*—In abdomen felis, simulque in id duorum cuniculorum, octo uncias *gas acidi carbonici* immisimus. Nihil autem hinc molestiæ aut doloris capere hæc animalia visa sunt. Septimo post die, ferro occisa sunt.

LIII. *Cadaverum incisio.*—Abdomine singulorum introspecto, omnia, quæ in abdominibus cuniculorum, qui septimum (XLII.) et, (XLVIII.) nonum pericula passi sunt, eadem nostris oculis percipiebantur.

LIV. *Experimentum duodecimum.*—Viginti quatuor unciaë ejusdem (LII.) aëris, in abdo-

D

men

men cuniculi immiffæ, nihil mali attulerunt. Septimo pòft die, tres *gas oxygenii* uncias supermifimus : et, novem propè pòft horis, eum gravibus doloribus jam cruciatum necavimus.

LV. *Extispicium*. — Introspecto abdomine, nihil puris oculis se obtulit ; fed cætera omnia eadem, ac in iis animalium, quæ quarto (xxxr.) experimento mortem paffa funt.

LVI. Aëris ex abdomine fex ferè unciae collectæ funt, quarum propè duas abforpfit aqua calcis.

CAP. VI.

*Experimentorum, quæ memoravimus,
consequentia.*

LVII. His (XIX.—LVI.) cognitis et inter se comparatis, fas est, ut nobis videtur, concludere,

Primo, aëra communem, in quodlibet vivi corporis cavum intromissum, inflammationem concitare :

Secundo, inflammationem effici gase oxygenio, ex quo aër communis partim componitur :

Tertio, alteram aëris communis partem, gas nempe azoticum, nulla omnino vi inflammationem concitandi pollere ; et

Denique,

Denique, neque gas hydrogenium neque gas acidum carbonicum, in quælibet vivi corporis cava intromissum, ut hæc inflammationem capiant, efficere.

LVIII. Ex secundo (xxvi.), tertio (xxviii.), octavo (xlv.), decimo (li.), et undecimo (lii.) experimentis, probabile est, distentionem, quippe quæ stimulet, cum immisso *gase oxygenio* ad inflammationem concitandam quadantenus conspirare; nam, etiamsi, in nullo horum experimentorum, hoc *gas* quantitate majus esset, imò in quibusdam minus, quàm in quarto experimento erat; tamen illis omnibus multo citiùs, quàm huic, supervenit inflammatio.

LIX. Octavo (xlv.), decimo (li.), et undecimo (lii.) experimentis, forsitan *gas azoticum* et *gas acidum carbonicum*, (quorum alterutrum in abdomina animalium, paucos ante
dies,

dies, immiffum erat, quàm *gas oxygenium* vel aëra communem fupermiffimus), debilitatem, quamvis non manifestam, effeciffent, vel hæc cava aptiora, quæ ex immiffio *gase oxygenio* caperent inflammationem, reddidiffent.

C A P. VII.

Quo modo inflammationem concitet

GAS OXYGENIUM.

LX. Quo modo inflammationem concitet *gas oxygenium*, ftatuere et exponere, fortaffe imprimis difficile erit.

LXI. Alterutro duorum modo inflammationem movere, animo concipere poffumus; vel, nempe, cavum, quo continetur, irritando; vel *calorico* quod ex eo, dum in cavo diffociantur partes ejus conflituentes, exfolvitur.

LXII,

LXII. *Gas oxygenium* in cavo reipſa reſolvi in partes componentes, apparet ex quantitate *gas acidum carbonicum*, quod, poſt facta experimenta, cum contento in patefactis cadaverum abdominibus aëre commiſtum deprehendimus. Verùm utrùm tamen *caloricum*, hac reſolutione expeditum, per ſe, necne, inflammationem concitare poſſit, neutiquam ſatis conſtat.

LXIII. Experimentis BEDDOES, quæ, poſt paulò, ipſius verbis narrabimus, adducti ſumus, ut credamus potiùs, immiſſum *gas oxygenium* vi, qua pollet, irritandi, continentis cavi inflammationem concitare.

LXIV. Etiamſi experimentis ſuprà narratis, quid in unum tantummodo corporis cavum poſſet immiſſum *gas oxygenium*, periclitati ſimus; tamen non dubitamus, quin ſequentes
itidem

itidem inflammationes eodem hoc *gase* moveantur.

LXV. Hujus (LXIV.) generis est ea inflammatio, quæ faccis abscessuum ferro patefactorum supervenit.

LXVI. Ad idem (LXIV.) quoque pertinet ea, qua cavum artûs, quod vulnus aëri exposuit, affici solet. Hanc enim non moveri ab irritatione instrumenti, quo vulnus inflictum fuit, eò verisimillimum est quòd, etiamsi irritatio multo major moveatur gravi artuum ligamentorum laceratione, quæ, dum luxantur ossa, accidit, vix ulla tamen inflammatio concitatur.

LXVII. Ejusdem porrò (LXIV.) generis videtur inflammatio, quam subeunt ossa aëri exposita. Quamdiu enim integrum *periosteum* est, neque hæc inflammationem capiunt, neque

que laminæ foliaceæ ex iis solutæ decidunt. Sed, *periosteo* sublato, et admisso aëre, sæpe inflammatio supervenit, et solutæ squamulæ defluunt.

LXVIII. Præter jam (LXV.—LXVII.) dictas, aliæ sunt inflammationes, et dolores, quæ, ut nobis videtur, *gase oxygenio* oriuntur, et, profectò, omnis inflammatio, quam capiunt vulnera incidendo vel lacerando illata, concitatur forsan hujusmodi *gase*, ex quo aër circumfusus, aliqua ex parte, constituitur. Ita esse, BEDDOES experimenta, quæ suprà (LXIII.) obiter perstrinximus, verisimillimum, nostra opinione, reddunt. Ipsius verbis hæc enarrabimus :

LXIX. “ I made the following experiments : The raised epidermis of a blistered
 “ finger, after all action of the cantharides
 “ had ceased, was cut away in carbonic acid
 “ air. No pain was felt. The atmospheric
 “ air

“ air slowly mixed with the other in the glass
“ cylinder, as I found by the dull manner in
“ which a candle burned in it; and now
“ some slight pain was felt. The finger be-
“ ing put into oxygene air, a smarting came
“ on, and lasted twenty minutes; but now
“ became less. The finger was next put into
“ air containing alkaline fumes; and the pain
“ was much severer than ever. A second
“ blister being opened in the air, smarting
“ pain came on. In a bladder of fixed air it
“ soon went off. The epidermis was cut off
“ from a blister on my own finger, which I
“ instantly plunged into oxygene air; it felt
“ as when salt is sprinkled on a cut, and the
“ pain was, I am pretty sure, more severe
“ than when my former blister was opened
“ in the atmosphere. In carbonic acid air
“ the pain in two minutes quite subsided, and
“ returned when I exposed the bare skin to
“ the atmosphere.”

LXX. In his (LXIX.) experimentis, unde fatis constat, dolorem partis cuticulâ nudatæ *gase oxygenio* concitari, partes *gasis oxygenii* adeo ex continenti esse a se invicem diffociatas, quàm opus fuisset si *caloricum* dolorem moveret, opinari vix possumus. Quod cùm ita sit, fert animus ut credamus, inflammationem et dolorem, quoties ex aëre admissò concitantur, insigni, qua pollet *gas oxygenium*, irritandi facultate moveri.

F I N I S.

"Hærem autem ipsa elastica
sanguini in venis immixtum
lati evanescere, Blumenbachii
experimenta in canibus instituta
abunde docent. (Medizinische Biblio
Band I. Seite 178. quo experimenta
aëre fixo et dephlogisticato sic dicto
vasa sanguifera siphunculi ope pulsa
narrat.)" Joenning de Morb. Var.
p. 137. § XLIX. Emphysema. Pub. 1795.

